

2009



**HAVFORSKINGSINSTITUTTET**  
INSTITUTE OF MARINE RESEARCH



## VISJON

**Kunnskap og råd for rike og reine hav- og kystområde.**

## AMBISJON

**Vi skal vere internasjonalt leiande innan  
marin forsking og rådgiving.**

## VERDIAR

**Alt vårt arbeid skal byggje på integritet,  
skaparglede, samspel og respekt.**

## DETTE ER HAVFORSKINGSINSTITUTTET


Med over 700 tilsette er Havforskningsinstituttet det største marine forskingsmiljøet i Noreg. Hovudansvaret vårt er å forske for å kunne gi råd til det offentlege om havbruk og om økosystema i Barentshavet, Norskehavet, Nordsjøen og den norske kystsona. Derfor er rundt halvparten av verksemda vår finansiert av Fiskeri- og kystdepartementet.

Havforskningsinstituttet har hovudkontor i Bergen, men viktige delar av aktivitetane føregår på avdelinga vår i Tromsø, på forskningsstasjonane i Matre, Austevoll og Flødevigen og på fartøya våre, som til saman er på havet nær 2000 døgn i året.

Instituttet har òg ein stor bistandsretta aktivitet gjennom Fiskerifagleg senter for utviklingssamarbeid.

Forsking og råd frå Havforskningsinstituttet skal vere med å leggje grunnlaget for at samfunnet også i framtida skal kunne hauste av dei store verdiane i havet og på kysten.

# ORGANISASJON



## ÅRSVERK<sup>1</sup>

	Bergen	Tromsø	Flødevigen	Matre	Austevoll	Fagsenteret	Reiarlag	<b>Sum</b>
Forskarar	120,9	20,1	13,9	4,9	11,8	5,2		<b>176,8</b>
Teknisk personell FoU	110,6	12,3	13,0	13,2	15,6	4,0		<b>168,7</b>
Teknisk personell	20,2	1,0	1,8	3,0	2,2		31,4	<b>59,6</b>
Administrativt personell	65,8	3,7	3,0	1,5	2,0	3,0	4,3	<b>83,3</b>
Sjøfolk							106,0	<b>106,0</b>
<b>Sum</b>	<b>317,5</b>	<b>37,1</b>	<b>31,7</b>	<b>22,6</b>	<b>31,6</b>	<b>12,2</b>	<b>141,7</b>	<b>594,4</b>


## Andre typar stillingar

Stipendiatar	25,8
Postdoktorar	20,8
Forskingssjef II	2,3
Reinhaladarar	3,4
Lærlingar	5,6
<b>Sum</b>	<b>57,9</b>


I) Årsverk per 31.12.08 utført av 739 ansatte.

5

## ØKONOMI



INNTEKTER 2008  
Til saman 811 mill. kroner



UTGIFTER 2008  
Til saman 818 mill. kroner

# DEN FAGLEGE AKTIVITETEN

## » Rådgivingsprogram

Rådgivingsprogramma skal gi forskningsbaserte forvaltingsråd innan akvakultur samt ressursar og miljø i norske kyst- og havområde. For dei ulike områda inneber dette blant anna:

### BARENTSHAVET

Programleiar: Ingolf Røttingen

- Ressursovervaking og forvaltingsrådgiving for fiskebestandar
- Forvaltingsplan Barentshavet
- Samarbeid med Russland
- Miljøovervaking, inkludert miljøgifter og radioaktivitet
- Bidra til utvikling av ein økosystemtilnærming i forvaltingsrådgjevinga, inkludert tilrettelegging for rådgiving innafor den nye havressursloven

### NORSKEHAVET

Programleiar: Harald Loeng

- Overvaking av og forsking på pelagiske fiskebestandar, djuphavsressursar, sel og kval
- Forvaltingsråd basert på studium av variasjonar i bestandsstruktur, rekruttering, vekst, vandring og interaksjon mellom artar
- Redusere uvisse i bestandsestimeringa ved å forbetre overvakingsmetodikken
- Overvaking og forståing av utviklinga i miljøtilstand og havklima
- Overvaking av plante- og dyreplankton og forståing av deira rolle i økosystemet

GRUNNE OG DJUPE HAV

Barentshavet og Nord-sjøen er det vi kallar sokkelhav og er relativt grunne. I Barentshavet fins det til dømes område som er mindre enn 50 meter djup. Norskehavet er derimot eit basseng, med djup opp til 3800 meter.

## NORDSJØEN

**Programleiar: Else Torstensen**

- Ressursovervaking og forvaltingsrådgiving på viktige bestandar
- Miljøovervaking og forvaltingsrådgiving, inkludert miljøgifter, radioaktivitet, plankton og næringssalt
- Auka kunnskap om rekruttering i fiskebestandar i Nordsjøen
- Bidra til utvikling av økosystembasert forvalting
- Forskningsformidling og implementering av ny kunnskap

## KYSTSONA

**Programleiar: Einar Dahl**

- Ressursovervaking og forvaltingsrådgiving for kystbestandar
- Overvaking og rådgiving for kyst- og fjordmiljø
- Kartlegging og overvaking av marint biologisk mangfald
- Marine verneområde som forvaltingsreiskap
- Overvaking og rådgiving knytt til introduserte artar
- Auka forståing av kyst og fjordøkologi

## AKVAKULTUR

**Programleiar: Karin Boxaspen**

- Miljøverknader av oppdrettssystem
- Helse hos oppdrettsorganismar og smittespreiing
- Berekraftig bruk av før og fôrressursar
- Kontrollert kjønnsmodning og steril fisk
- Fangstbasert akvakultur
- Genetiske og økologiske konsekvensar av fiskeoppdrett
- Effektar av lakselus på vill fisk og overvaking av nasjonale laksefjordar
- Spreiing og gjenfangst av rømt fisk
- Stamorganismar og tidlege livsstadium
- Havbeite og fjordkultivering
- Velferd hos oppdrettsorganismar

## » Forskingsprogram

Forskningsprogramma, som vart etablerte i 2007, samordnar forskingsinnsatsen på område som vi ser representerer særlege samfunnsmessige utfordringar.

### ØKOSYSTEM OG BESTANDSDYNAMIKK

#### Programleiar: Geir Huse

Programmet Økosystem og bestandsdynamikk skal styre arbeidet for å betre forståinga vår av variasjonar i marine økosystem, spesielt knytt til fiskebestandane. Kunnskap om dynamikken i økosystema er nødvendig for å forstå, evaluere og varsle korleis endringar i miljø og fiske påverkar det marine økosystemet. Særleg viktig er det å kunne skilje mellom naturlege variasjonar og mennes-

keleg påverknad. Bestandsvurdering og -rådgiving for levande marine ressursar blir i dag gjort nesten utelukkande basert på kommersielle fangstdata og bruk av trål- og akustikkdata frå forskingstokt. Ei viktig oppgåve for programmet er å vidareutvikle denne metodikken for å møte utfordringane som ligg i økosystembasert forvalting.

### KLIMA-FISK

#### Programleiar: Svein Sundby

Programmet leier instituttet si forsking på effektar av havklimaet på produksjon, utbreiing og åferd hos marine organismar. Dette skal danne grunnlag for å varsle effektar av klimavariasjonar på fiskebestandane og utarbeide scenario for verknader av menneskeskapte klimaendringar på marine økosystem og opp-

drettsorganismar. Programmet vektlegg utvikling og bruk av numeriske modellar, studium av samanhengen mellom globale og regionale klimavariasjonar og utvikling av metodar for å lage regionale klimaprognosar. Ein stor del av aktivitetane i programmet er nær knytte til Bjerkesenter for klimaforskning.

### MAREANO

#### Programleiar: Lene Buhl-Mortensen

MAREANO skal bidra til å dekkje kunniskapshòl om fordelinga av naturtypar og sårbare organismar på havbotnen og gi råd om korleis vi kan forvalte desse på ein berekraftig måte. Den største aktiviteten i programmet er kartleggingsprosjektet MAREANO, som i perioden 2005–2010 har fokus på nordområda.

Gjennom eit tværfagleg samarbeid med Noregs geologiske undersøking og Statens kartverk Sjø gjer vi grunnleggjande studium av det fysiske, biologiske og kjemiske miljøet på botnen. Kunnskap frå prosjektet er tilgjengeleg i ein kartdatabase for norske kyst- og havområde på [www.mareano.no](http://www.mareano.no).

## BIOLOGISKE MEKANISMAR I MARINE ØKOSYSTEM OG AKVAKULTUR

**Programleiar: Ole J. Torrisen**

Programmet skal etablere grunnleggjande kunnskap om biologiske prosessar og skape ein strategisk kunnskapsplattform som på sikt skal danne grunnlag for berekraftig hausting av marine ressursar og akvakulturproduksjon. Her er samspele mellom miljøfaktorar og fysiologiske responsar eit viktig element. Det vert lagt vekt på å utvikle eksperimentelle modellar og ny forskingsmetodikk. Programmet har ein relativt stor innsats retta

mot genomikk og genetikk, marine dyr sin metabolisme, vekst og reproduksjon, utviklingsbiologi, åtferd og stressbiologi, immunologi og smitteorganismar. I tillegg skal programmet kombinere felldata med eksperimentell metodikk og modellar for å belyse sentrale biologiske mekanismer i marine økosystem. Vi samarbeider med universitet både nasjonalt og internasjonalt, og utdanning av PhD-kandidatar er ei sentral oppgåve for programmet.

## OLJE–FISK

**Programleiar: Erik Olsen**

Forsking og rådgiving på problemstillingar knytte til forureining og effektar av petroleumskomponentar og menneskeskapt lyd på livet i havet er samla i programmet Olje–fisk. Hovudmålet er å kunne gi best moglege råd om konsekvensar av forureining og petroleumsaktivitet i havområda våre. Oppgåvene i programmet omfattar overvaking av radioaktive komponentar, miljøgifter og tungmetall i vatn, fisk og

sediment, effektstudiar av olje på sild og torsk og av seismikk og lågfrekvent støy på fisk og sjøpattedyr. Sentrale rådgivningsoppgåver er høyringar på petroleumsutbygging, utslepp og seismiske undersøkingar. Spesielt har førespurnader om seismiske undersøkingar auka det siste året, og i 2008 gav Havforskningsinstituttet råd i samband med 60 slike søknader på norsk sokkel.

### FISK I DVALE

Tobis held  
til på sandbotn.  
Om natta og på  
mørke dagar borar  
han seg ned i sanden  
med den spisse snuten,  
og heile vinteren  
ligg han i dvale  
på botnen.

## » Faggrupper



### BOTNFISK

Leiar: Harald Gjøsæter

Forsking på og overvaking av dei viktigaste botnfiskartane som torsk, hyse og sei. Målet er først og fremst å vinne kunnskap som kan brukast til å vurdera bestandssituasjonen og gi råd i forvaltingsspørsmål.



### BOTNHABITAT OG SKALDYR

Leiar: Ole Jørgen Lønne

Habitat og naturtypar på botn i kyst- og havområde og deira betyding for økologi og biologisk mangfald. Levande organismar knytt til havbotnen og hausting av reke, kongekrabbe og andre skaldyr. Havbeite av skaldyr, krepsdyr, haneskjel og kamskjel.



### DYREVELFERD

Leiar: Tore Kristiansen

Velferd hos fisk og krepsdyr. Stress og stressfaktorar, meistring og velferdsovervaking i fiskeri- og havbruksnæringa.



### DJUPHAVSARTAR

Leiar: Ole Thomas Albert

Forsking på og overvaking og tilstandsvurdering av artar som djuphavshai, blåkveite, brosme, lange, blålange, uer, vassild og skolest.

### KALDBLODIG

Polar-torsken kan leve i vatn ned til -1,5 grader fordi han har eit molekyl som hindrar at det dannar seg iskristallar i kroppsvæska.



### FANGST

Leiar: Arill Engås


Utvikling og tilpassing av energieffektive miljø- og ressursvennlege fangstmetodar med basis i kunnskap om fiskeåfferd og reiskapsteknologi. Utvikling av betre metodikk for prøvetaking av marine organismar.



### FISKERIDYNAMIKK

Leiar: Kjell Nedreaas


Fangst, innsats og flåteutvikling i kommersielle fiskeri og turistfiske. Samarbeid med referanseflåten og overvakkingstenesta inkl. Kystvakta. Innhenting av fiskeriavhengige data og berekning av uvisse i desse (f.eks. rapporteringsmanglar, utkast og ulovleg omsetning).



### HELSE

Leiar: Øivind Bergh


Sjukdomsinteraksjonar mellom oppdretta og ville bestandar. Bakterielle og virale fiske- og skjelsjukdomar og parasittar, særleg sprenging og biologi hos lakselus og andre parasittar. Førebyggjande behandling mot sjukdom, deformitetar og biverknader av behandling.



### MARIN MILJØKVALITET

Leiar: Jarle Klungsøy


Framandstoff i sjøvatn, sediment og dyr. Også organiske miljøgifter, utslepp frå petroleumsindustri, radioaktivitet, kjemisk forureining og kort- og langtidsverknader på marine organismar.



### NORSK MARINT DATASENTER (NMD)

Leiar: Helge Sagen

Nasjonalt datasenter for handsaming og langtidslagring av marine miljø- og fiskedata og for framstilling av ulike dataprodukt. Dei viktigaste oppgåvene er å samle og kvalitetssikre data og giare dei tilgjengelege for forsking.



### OBSERVASJONSMETODIKK

Leiar: Olav Rune Godø

Metodar og modellar for innsamling av data om marine økosystem og haustbare ressursar ved hjelp av akustikk, optikk og fangstreiskapar.



### PELAGISK FISK

Leiar: Aril Slotte

Forsking på og overvaking av pelagiske artar som sild, makrell, taggmakrell, kolmule, lodde, brisling, tunfisk og laks i havet. Hovudmålet er å vinne kunnskap som kan brukast til å vurdera bestandssituasjonen og gi råd i forvaltingsspørsmål.



### OSEANOGRAFI

Leiar: Bjørn Ålandsvik

Forsking på og overvaking av det fysiske miljøet i havet, inkludert klimaforhold. Variablar som straum, temperatur, saltinnhald og næringssalt og deira innverknad på dei marine økosistema.




### PLANKTON

Leiar: Webjørn Melle

Forsking på og overvaking av plante- og dyrplankton, fiskeegg og -larver. Produksjonsforhold, biologisk mangfold, skadelege algar og introduserte mikroorganismar.

**SKIFTER KJØNN**

- Reka blir fødd som hann og skifter kjønn når ho har nådd ein viss alder. I Barentshavet blir reka til ho i femårsalder.



### POPULASJONSGENETIKK OG ØKOLOGI

Leiar: Terje Svåsand

Struktur og funksjon til arvestoff i marine artar. Bruk av genetiske metodar for å studere økologiske prosessar. Genetisk karakterisering av ville bestandar og artar i oppdrett, inkl. metodar for å spore rømt fisk. Åferd, spreieing og overleving hos rømte havbruksorganismar. Evolusjonære effektar av fiske.

## GAMMAL FISK

Meste-  
parten av loddna  
dør når ho har gytt  
første gong, og ho blir  
sjeldan eldre enn fem  
år. Ueren, derimot, blir  
ikkje gytemoden før  
han er 12–15 år og  
kan bli over 60 år  
gammal!

### REPRODUKSJON OG VEKST

Leiar: Geir Lasse Taranger

Forsking på kjønnsmodning, eggproduksjon og vekstprosessar i oppdrettsartar og ville populasjonar knytta til fiskevelferd, oppdrettstilhøve, stamfiskhald, rekrutteringsprosessar og berekning av gytebestandar.



### SJØPATTEDYR

Leiar: Tore Haug

Forsking på og overvaking av grønlandssel, klappmyss, steinkobbe og havert, vågekval og andre sjøpattedyr (bifangst). Populasjonsanalyser, næringsekologi, haustings- og bevaringsstrategiar.



### TIDLEGE LIVSSTADIUM

Leiar: Anders Mangor-Jensen


Effektar av miljø og miljøgifter på tidelege stadium av fisk og skaldyr, inkludert intensive kulturar. Forsking på og produksjon av sterile individ av fisk til bruk i akvakultur, mengdeberekning av yngel hos ville populasjonar.

13

### UTBREIING OG TROFISKE INTERAKSJONAR

Leiar: Kathrine Michelsen

Utbreiing og vandring som beskriv romleg og tidsmessig overlapp mellom artar, med spesiell fokus på predator–bytteforhold. Forsking på ikkje-kommersielle artar og indikatorar for økosystembasert forvalting.



## » Fiskerifagleg senter for utviklingssamarbeid

Senteret driv bistandsretta samarbeid innan forsking og forvalting for Havforskningsinstituttet og Fiskeridirektoratet og er eit av sju fagsenter for miljøbistand finansiert av Norad.

Dei siste 30 åra har senteret hatt prosjekt i meir enn 40 land i ulike delar av verda. Ei rekke land i Vest-Afrika har, mellom anna gjennom det såkalla Nansenprogrammet, fått bistand til kartlegging av fiskeressursar, oppbygging av nasjonal forskingskompetanse og utvikling av fiskeriforvaltingssystem.

Dei seinare åra er akvakultur òg blitt eit viktig område i utviklingssamarbeid med land som Cuba og Thailand.



## » Internasjonalt samarbeid

Norsk fiske føregår i hovudsak på bestandar som vi deler med andre land, og dei fleste problemstillingar knytt til havmiljøet er av internasjonal karakter. Derfor er Havforskningsinstituttet også ein viktig aktør i internasjonale organisasjonar og kommisjonar.

I 2008 sit forskrarar frå instituttet mellom anna som leiar av IWC (Den internasjonale kvalfangstkommisjon) sin vitskapskomité og av den øvste vitskaplege komiteen – Consultative Committee – i ICES (Det internasjonale råd for havforskning).

I forskinga er samarbeid sikra gjennom omfattande deltaking i internasjonale prosjekt og gjennom avtaler med søsterinstitutt verda over. Samarbeidet med det russiske havforskningsinstituttet PINRO i Murmansk står i ei særstilling og starta allereie for 50 år sidan.

## DEN FAGLEGE AKTIVITETEN

### » Stasjonane

16



**Forskningsstasjonen Austevoll** blei oppretta i 1978 og har mellom anna vore verdsleiane i forsking på oppdrett av kveite og torsk.



**Forskningsstasjonen Flødevigen** ved Arendal vart oppretta i 1882 og er ein av dei eldste i Europa. Instituttet si kystsoneforskning vert leia herfrå.



Ved **Forskningsstasjonen Matre** nord for Bergen er det forska på oppdrett av laksefisk sidan 1971, ti år før lakseoppdrett skaut fart i Noreg. Fleire av metodane som er utvikla her, er no i bruk verda over.

Studier av fiskeåtferd har fått auka merksemld ved stasjonen. Forskarane ønskjer å finne ut kva som gjer at fisken trivst, og kva som kan stresse han og ta frå han matlysta. Nye og topp moderne fasilitetar gir mellom anna moglegheit til å detaljstyre temperatur-, salt- og oksygennivå i vatnet og registrere fisken sine reaksjonar på endringar i omgjevnaden.

Slike eksperiment kan òg nyttast for å studere ulike artar sin vekst, kjønnsmodning og gyting under varierande tilhøve og betre vår forståing for desse mekanismane ogsås hos vill fisk.

17

FRUKTBART TORSK

● **Ung torsk**  
gyt færre egg  
enn eldre. Første-  
gongsgytarar kan  
gi 400 000 egg, dei  
eldste opptil 15  
millionar.

**G.O. SARS**

**BYGGJEÅR:** 2003  
**4067 BRT.**  
**77,5 M**

**JOHAN HJORT**

**BYGGJEÅR:** 1990  
**1828 BRT.**  
**64,4 M**

**G.M. DANNEVIG**

**BYGGJEÅR:** 1979  
**171 BRT.**  
**27,9 M**

**HÅKON MOSBY**

**BYGGJEÅR:** 1980  
**701 BRT.**  
**47,2 M**

**DR. FRIDTJOF NANSEN**

**BYGGJEÅR:** 1993  
**1444 BRT.**  
**56,8 M**  
**EIGAR: NORAD**

## » Fartøy

Havforskningsinstituttet eig fire og driv to forskningsfartøy. Fartøya er dei viktigaste reiskapane for innsamling av data innan marine ressursar og miljø.

### TOKTOVERSIKT 2008

Fartøy	Toktdøgn
G.O. Sars	278
Johan Hjort	253
Håkon Mosby	255
G.M. Dannevig	180
Dr. Fridtjof Nansen	319
Fangst	200
Jan Mayen	75
Hans Brattström	216
Andre fartøy	947
<b>Sum</b>	<b>2 723</b>

## » Lokalitetar



**HAVFORSKINGSINSTITUTTET**  
**Institute of Marine Research**

Nordnesgaten 50 – Postboks 1870 Nordnes  
NO-5817 Bergen  
Tlf: 55 23 85 00 – Faks: 55 23 85 31  
E-post: post@imr.no

**HAVFORSKINGSINSTITUTTET**  
**AVDELING TROMSØ**

Sykehusveien 23, Postboks 6404  
NO-9294 Tromsø  
Tlf: 77 60 97 00 – Faks: 77 60 97 01

**HAVFORSKINGSINSTITUTTET**

**FORSKINGSSTASJONEN FLØDEVIGEN**

Nye Flødevigveien 20  
NO-4817 His  
Tlf: 37 05 90 00 – Faks: 37 05 90 01

**HAVFORSKINGSINSTITUTTET**  
**FORSKINGSSTASJONEN AUSTEVOLL**

NO-5392 Storebø  
Tlf: 55 23 85 00 – Faks: 56 18 22 22

**HAVFORSKINGSINSTITUTTET**  
**FORSKINGSSTASJONEN MATRE**

NO-5984 Matredal  
Tlf: 55 23 85 00 – Faks: 56 36 75 85

**REIARLAGAVDELINGA**

Tlf: 55 23 85 00 – Faks: 55 23 85 32

**FISKERIFAGLEG SENTER FOR**  
**UTVIKLINGSSAMARBEID**

**TLF: 55 23 85 00** – Faks: 55 23 85 79

**AVDELING FOR SAMFUNNSKONTAKT**  
**OG KOMMUNIKASJON**

Tlf: 55 23 85 00 – Faks: 55 23 85 55  
E-post: informasjonen@imr.no

**www.imr.no**

